



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Antonius De Padua C. 13. Iunii.

urn:nbn:de:hbz:466:1-44055

fluvium jubet præcipitari. Enatanti saxum jubet appendi ingens, iterumque mergi. Sed vel mortui virtus supra aquas se extulit, docuitque etiam saxa natare. Tumulum deinde primum ignoto Arrianenses dederunt, unaque PEREGRINI nomen. Illum facibus suis cælum nobilitavit; quod ipsum miraculum testis, & ipse miraculosus (caecus) vidit. Ex Ferrar.

Si æterni Patris inhabitare domum, si rei calißie paricidii teneri nolumus, tetras invidiae excludamus insidias: invidiam armorum cælestium viribus compunctionemus: quia sicut nos Deo jungit charitas, sic à Deo invidia se jungit. S.Chrysol.serm.4.

S. ANTONIUS DE PADUA C.

13.Iunii.

ANTONIVS, quem vulgo Patavinum dicuntur. S. Francisci discipulus, suis ad conciones verbis à flagitiosa vitâ quām plurimos revocavit. Eam ob rem cum oculi dolerent inferno hosti decumbentis in lectulum spiritum elidere fauibus interceptis aggressus est: sed ille unico MARIÆ nomine simul viam loquelæ fecit, simul interdatorum in fugam dedit. Hæreticum, qui sacram Eucharistia cultum negaverat, ad saniores metem & ipsum reduxit. Cum enim mulus impius negato aliquām multis diebus, sed præbito dum lautè pabulo, ad ANTONIVM vocatus accurrisset, sanctiusque epulum pronus in pedes adorasset, sapere à jumento suo etiam dominus dicit. Pro concione funebri lucrionis cuiusdam palam edixit, illum æternis inferorum flammam addictum esse, ejusque adeò rei indicium fore cu illius non pectore, sed arcâ cum nummis suis clausum.

sum. Præter alia multa, quæ fecit admiratione dignissima, puerum demortuum vitæ reddidit, quòd is parentem ANTONII de homicidio accusatum innocentem absolveret. Supremū aegrotantem CHRISTVS invisit, obitum verò ejus per urbem fando infantes vulgarunt, quòd minori eloquio, hoc majore virtutis præconio. Ex Surio.

Toto mentis affectu beatissimæ Virginis nos intercessionibus committamus, ejus patrocinia omni nisu imploremus; ut dum supplici obsequio eam frequentamus in terris, ipsa nos sedulâ prece commendare dignetur in celis. S.Aug.in F.Alf.B.V.hom.3.

S. HELISEUS PROPHETA. 14.Iunii.

Profuerit juventuti, HELISEI Circenses ludos spectare; redeat inde modestior, & reverenter canæ ætatis. Bethelensis pueritæ grec calvium sancti senis vernaculis jocis proscindebat. eam dicacitatem ursi duo, quadragenis binis è toto numero concerptis, castigarunt: ne ferulas tantum, sed & feras puerilis lascivia sibi metuendas existimet. Cætera illius viri prodigia quis memoret? aquarum cursum stitit, amarorem correxit, oleum auxit, lepram detersit, infœcundis conjugibus prolem dedit, orbis reddidit; genti suæ insignes victorias, eidem fame laboranti gratuitam annonam præbuit. Illud æternâ mémoriâ dignum, & identidem parum fidentibus Deo suggestendum. Obsesus à Syris, jamque pro desperato à familiari servulo defletus, paventem hoc promisso erexit: *Noli timere: plures enim nobiscum sunt, quam cum illis.* Trepidanti nihilominus oculos prece aperuit, & diffusa toto monte auxilia ignitasque acies ostentavit. Hostibus vicissim suis offusâ